

# ጳውሎስ ዊሞቶሳው ፃፊዳ ላዔንሶ ኪታ ጌሉዋ

ሃዌ ጳውሎስ ዊሞቶሳው ፃፊዳ ላዔንሶ ኪታይ፣ ጳውሎስ ማታ ባሬና ማዲያን ኦሱዋ ባሬናና ኢቲፔ ኦሊያ ዎዳላ፣ ዊሞቶሳ ዘሬዳ ዘሬያ ኦይቄዳዋ። ኣ ዘሬያፔ ዳሪያ ባጋይ ዳንዲያን ጌንጫና ቤሴ ጌያዋ። ዊሞቶሳው ዘሬያን ማንሌሉዋ ቃላይ ኢሜቴዳዌ፣ ዩሱሲ ኪሪሰቶሳባ ኣማኔቲያዋ ጌዲዴ ማርካታናዳን፣ ሚሺራቹዋ ቃላን ኤጫ ቃላ ጫቁዋ ቲሚርቲያ ሚኒሲዴ ኦይቃናዳንን ማቲያባይን ኤቄቲያባይ ዳርፔካ ታማሪሲያዋንን ሚሺራቹዋ ቃላ ኦዲያዋን ሚናናሳ።

ዊሞቶሲ ኤያቴላን ኦሴቲያ ፓሌና ማላ ፓሉማፔ ሃካና ማላ፣ ዲማ ሚኖ ኦዲ ኣው ኦዴቴዳ። ኣዩሲ ጎፔ፣ ሄዋ ማላ ኦዲ ሲሲያዋንታ ባዩዚያዋፔ ኣቲን፣ ሃራ ኢ ኢሚያ ጎሲ ባዋ።

ሄዋን ኡባን ዊሞቶሲ ሃሳያናው ቤሲያባይ ጳውሎሳ ዴዑዋን ኣ ሃናታ ሎያ ቆፋ፣ ሄዋፔካ ኣ ኣማኔዋ፣ ኣ ጌንጫዋ፣ ኣ ሲቁዋ ኣ ዳንዲያን ዩዴሳን ኣ ጋኬዳ ማቲዋ ሌሚሱዋን ካላናዳና።

## **ሺምፓቲዋ ኡባቲዋሲ ኢሜቴዳ ቃንሳ ቆፋቲዋ**

ጌሉዋ (1:1-2)

ዊሞቶሳው ኢሜቴዳ ማቁዋ (1:3-2:13)

ኣሳይ ካዲያ ዎዴ ኣማኔቲ ቤቱሳ (2:14-4:5)

ሄ ዎዴ ዴዲያባቲዋን ኮሺያ ካሌሊያ ኦጋቲዋ (4:6-18)

ዉርሴላ ቁቲያ (4:19-22)

1 ታጌ ጳውሎስ፣ ፆሳይ ኢማና ጌዳ ኪሪሰቶሲ ዩሱሳና ኦሲ ዴዲያ ዴዑዋባ ኦዳናው፣ ፆሳይ ጌዳዋዳን፣ ኪሪሰቶሲ ዩሱሲ ኪቲዳዌ፣

2 ታ ሲቆ ናዓ ዊሞቶሳው ሃ ዳቢዳቢያ ፃፋይ።

### ዊሞቶሳው ኢሜቴዳ ዘሬያ

ፆሳ ኣዉዋፔን ኦ ጎዳ ኪሪሰቶሲ ዩሱሳፔ፣ ኣቶ ኬካቴላይ፣ ማርቴላይን ሳርቴላይ ኔው ጌደ።

3 ታ ዛራቱ ኦሴዳዎዳን፣ ታኒካ ታና ዞሪያ ጌሻ ዎዛናፔ ኦሴያ ያሳ ቃማኔ ጋላሲ ዎሲያ ዎሳን ኡባ ዎዴ ኔና ሃሳዪያ ዲራው፣ ኣ ጋላታይ።

4 ታኒ ኔ ኣፎላ ሃሳያ ሃሳያዴ ናሼታና ማላ፣ ኔና ቤዓናው ዳር ላሞታይ።

5 ኔናን ዴዒያ ዎርዶ ባይና ኣማኑዎ ሃሳያይ። ሄ ኣማኑ ቤኒ ኔ ዳይ ዳይ ሎይዲኒኒ ኔ ዳይ ኤዉኒቲን ዴዒያ ኣማኑዎ ማላ፤ ቃሲ ኔናኒካ ሄዌ ዴዒያዎ ኤራዲ።

6 ሄዎ ዲራው፣ ታኒ ታ ኩሺያ ላዑዎ ኔ ቦላ ዎሴዳ ዎዴ፣ \* ያሳይ ኔው ኢሜዳ ኢሙዎ ኔኒ ዶሺሴና ማላ፣ ኔና ሃሳዪሳይ።

7 ኣዪሲ ጎፔ፣ ያሳይ ኑሲ ዎልቃ፣ ሲቁዎኔ ኑ ሁጲያ ናጊያዎ ኢሚያ ጌሻ ኣያና ኢሜዳፔ ኣቲን፣ ያሻ ኣያና ኢሚቤና።

8 ሲሚ፣ ኑ ጎዳው ማርካቲያዎን ዎይ ኣ ዲራው ቃሹዎን ዴዒያ ታዎንካ ዩላቶፓ። ሺን ያሳይ ኔው ኢሚያ ዎልቃ ኬናን ታናና ሚሺራቹዎ ቃላው ዎይታ።

9 ያሳይ ባሬ ቆፋኒኔ ባሬ ኣጾ ኬካቴላን ኑና ኣሺዴ፣ ባሬ ኣሳ ኦላናው ፃሶዎፔ ኣቲን፣ ኑኒ ኦሴዳ ኦሱዎ ዲራው ጊዴና። ኢ ሃ ኣጾ ኬካቴላ ከሪሰቶሲ ዩሱሳ ባጋና ዎዲ ዶሜታናፔ ካሴ ኑሲ ኢሜዳ።

10 ሺን ሃዒ ሃ ኣጾ ኬካቴላይ ኑና ኣሺያ ከሪሰቶሲ ዩሱሳ ዩሳን ኑሲ ቆንጨዳ። ቃሲ ሃይቁዎ ዎልቃካ ኢ ጳዪሴዳ። ዎንጋላ ሚሺራቹዎ ባጋና ባዬና ዴዑዎ ኑሲ ቆንጨሴዳ።

11 ታኒ ዩሱሲ ኪቲዳዎኔ ኣዪሁዳ ጊዴና ኣሳ ታማሪሲያዎ ጊዳዴ፣ ዎንጋላ ሚሺራቹዎ ኦዳና ማላ፣ ያሳይ ታና ዶሬዳ።

12 ቃሲ ታኒ ሃ ሜቱዎ ኣኪያዌ ሄዎ ዲራሳ። ሺን ታኒ ኣማኔዳዎ ኤሪያ ዲራው፣ ዩላቲኬ። ቃሲ ኢ ታው ኢሜዳ ሃዳራ ሄ ጋላሳይ ጋካናው፣ ኢ ናጋናው ዳንዳዪያዎ ኤራይ።

13 ታኒ ኔና ታማሪሴዳ ቱሙ ቃላ ለሚሱዎ ኡዳ ኦዪቃዴ፣ ከሪሰቶሲ ዩሱሳን ኑሲ ዴዒያ ኣማኑዎኒኔ ሲቁዎን ዴዒ።

14 ኑ ጊዶን ዴዒያ ጌሻ ኣያና ባጋና ኔው ሃዳራ ኢሜዳ ሎዖባ ናጋ።

15 ኢሲያ ጊያ ቢታን ዴዒያ ኡባቱ ታፔ ባቃቲዳዎ ኤራሳ፤ ኦንቱንቱ ጊዶን ፒጌሉሲኔ ሄርሞጌኔሲ ዴዒና።

\* 1:6 ታኒ ታ ኩሺያ ላዑዎ ኔ ቦላ ዎሴዳ ዎዴ፣ ሃዌ ቤሲያዌ፣ ኣማኒያ ኣሳ ካሌላዳዳን ጌሻ ኣያናይ ኦሱዎሲ ዶሪና ቱማቴላን ካሌላያዎንቱ ቃላ ኦዳናው ዎይ ታማሪሳናው ያሳይ ኦኩዳዎንቱ ቦላን ባሬንቱ ኩሺያ ዎሊዴ ዎሲያዎ ቤሴ። 1፻፹ 1:4 ጻሊቱ።

16 ሄኔሲፎሩ ታና ዳሮ ዎዴ ማንሌሌዳ ዲራው፡ ጎዳይ ኣ ሶይ ኣሳው ማሮቴላ አሞ። ቃሲ ታኒ ቃሾ ጎሌን ዴዲያዎ ኢ ዩላቲቤና።  
 17 ሺን ሮሜ ጊያ ካታማ ጋኬዳሳና ታና ሎይሊ ኮዪዴ ዴሜዳ።  
 18 ሄ ጋላሲ ጎዳፔ ማሮቴላ ዴማናዳን፡ ጎዳይ ኣው ኢሞ። ቃሲ ኤፌሶና ጊያ ካታማን ኢ ታና ኣይ ኬና ማዴዴንቶኔ ኔኒ ሎይላ ኤራሳ።

## 2

### ኪሪሰቶሳው ሎዖ ዎታዳራ ጊዲዴ ሜቱዎ ኣኪያዎ

1 ሲሚ ታ ናዓው፡ ኪሪሰቶሲ ዩሱሳን ዴዲያ ኣጵ ኬካቴላን ሚና።  
 2 ቃሲ ዳሮ ማርካቱ ዴዲያሳን ታፔ ኔኒ ሲሴዳ ዩዎቱዎ ሃራቱዎ ታማሪሳናው ዳንዳዪያ ኣማኔቴዳ ኣሳቱዎሲ ሃዳራ ኢማ።  
 3 ኪሪሰቶሳ ዩሱሳው ኣማኔቴዳ ዎታዳራዳን፡ ታናና ዎዬታ።  
 4 ኦላ ቢያ ዎታዳራይ ባሬ ካፑዎ ናሹቻናው፡ ዎታዳራ ጊዴና ኣሳይ ኦሊያ ኪታን ዋላኬቴና።  
 5 ቃሲ ዎላን ኬሴቲያ ኡራይካ ዎጋዳን ዎፃና ጳዮፔ፡ ዎይታ ኣኬና።  
 6 ዳሮ ዳቡሪዴ ኦሌዳ ቢታ ጎሺያ ቢታኒ ሺቄዳ ካላፔ ባሬና ጋኪያዎ ኮይሮ ኣካናው ቤሴ።  
 7 ኔኒ ኡባባ ኣኬካናዳን፡ ጎዳይ ኔና ዳንዳዪሳና ዲራው፡ ታኒ ጊያዎ ቆፓ።  
 8 ታኒ ዎንጋላ ሚሺራቹዎ ኦዲያዎዳን፡ ሃይቁዎፔ ዴንዴዳ ዳዊቱ ዛሪያ ዩሱሲ ኪሪሰቶሳ ቆፓ።  
 9 ታኒ ዎንጋላ ሚሺራቹዎ ኦዲያ ዲራው፡ ኢታባ ኦሌዳዎዳን፡ ሃራይ ኣቶ ቃሹታና ጋካናው ዎዬታይ። ሺን ያሳ ቃላይ ቃሹቴና።  
 10 ሄዎ ዲራው፡ ታኒ ያሳይ ዶሪዳ ኣሳቱካ ኪሪሰቶሲ ዩሱሳን ዴዲያ ኣቶቴላ ሜጲና ቦንቹዎና ዴማናዳን፡ ኡንቱንቱ ዲራው፡ ታኒ ኡባባን ዎዬታይ።  
 11 ሃዌ፡  
     «ኑኒ ኣናና ኢቲፔ ሃይቁዳዎ ጊዶፔ፡  
     ኣናና ኢቲፔ ዴዳና።  
 12 ኑኒ ጌንጮፔ፡  
     ኣናና ኢቲፔ ካዉታና።  
 ኑኒ ኣ ካዶፔ፡  
     ኢካ ኑና ካዳና።  
 13 ኑኒ ኣማኔቴናን ኣጎፔካ፡  
     ኢ ኣማኔቲያዎ ጊዲዴ ዴዳናዎ።

አዩሲ ጎፔ፣ ኢ ባሬና ባሬ ሁጴው  
ኤሪኬ ጋናው ዳንዳዬና»  
ጊያዌ ቱሙ ሃሳያ።

**ሚኖ ኦሳንቻ**

14 ኔኒ ኔ አሳ ሃዋ ሃሳዩሳ፤ ኡንቱንቱ ቃላን ፓሉሜቲና ማላ፣  
ፆሳ ሲንላን ዘራ። ሄዌ ሲሲያ አሳ ባዪዚያዋፔ ኣቲን፣ ኣይኔ  
ጎዔና።

15 ኔኒ ፆሳ ቱማቲላ ቃላ ሱሬቲላን ኦዲያዋኔ ቃሲ ኣ ኦሶ  
ዬላቲና ኦሳንቻ ጊዳዴ፣ ፆሳይ ሳቢያ አሳዳን፣ ኔ ሁጲያ ፆሳው  
ኢማናው ሚና።

16 ሺን ሃ ሳዓው ኢንጃቲያ ማዴና ሃሳያፔ ኔና ናጋ። አዩሲ ጎፔ፣  
ሄዌ ፆሳፔ አሳ ሃሴ።

17 ቃሲ ኡንቱንቱ ታማሪሲያዌ ቦላ ጨቱዋዳን ኡባሳ ጋካናሳ።  
ሄ ታማሪሲያዋንቱፔ ላዓቱ ሄሜኔዮሳኔ ፒሊፆሳ።

18 ኡንቱንቱ ቱሙዋ ኦጊያ ኣጊዴ፣ «ሃይቁዋፔ ዴንዲያዌ ካሴ  
ኣጲዲጌዳ» ያጊዴ ኣማሬዳ ኣማኒያ አሳቱዋ ኣማኑዋ ባዪዚና።

19 ጊደፔካ፣ ፆሳይ ኤሴዳ ሚኖ ቱሳይ ቃፃና ዳንዳዬና። ቃሲ  
ኣ ቦላን፣ «ጎዳይ ባሬዋንታ ኤሬ»፤ ቃሲ «ጎዳዋ ጊዲያ ኦኒኔ  
ኢታ ኦሱዋ አጎ» ያጊያ ቃላቱ ፃፌቲዲና።

20 ኢቲ ዋልቃማ ጎሌን ዋርቃፔኔ ቢራፔ ሜጴቲዳ ሚሻ ፃላላ  
ጊዴናን፣ ሚላፔኔ ኡርቃፔ ሜጴቲዳ ሚሻቱካ ዴዲና። ሄዋንቱፔ  
ባጋቱ ቦንቾ ኦሱዋ ኡንቱንቱን ኦላናው፣ ቃሲ ባጋቱ ቶሼቲያባ  
ኡንቱንቱን ኦላናው ሜጴቲዲና።

21 ሄዋ ዲራው፣ ኦኒኔ ሃ ኢታባ ኡባፔ ባሬና ጌሾፔ፣ ኢ ባሬ  
ጎዳ ጎዲያ ኦሱዋ ኦላናው ባሬና ኢሜዳ ዲራው፣ ቦንቾ ኦሱዋ  
ኦሊያ ሚሻ ጊዳናዋ። ቃሲ ሎፆ ኦሱዋ ኡባ ኦላናው ጊጌቲዳዋ  
ጊዳናዋ።

22 ሺን ኔኒ ኢታ ዋዳላቲላ ኣሙዋፔ ባቃታ። ባሬንታ ማዳናው  
ጌሻ ዋዛናፔ ጎዳ ፃሲሲያዋንቱና ኢቲፔ፣ ፂሎቲላ፣ ኣማኑዋ፣  
ሲቆቲላኔ ሳሮቲላ ሚኒሳዴ ካላ።

23 ሺን ኤያቱዋ ፓሉሚኔ ኣይኔ ኤሬናዋንቱ ፓሉሚ ዋላሳ  
ካሌሊያዋ ኤራዴ ኣፔ ባቃታ።

24 ጎዳ ቆማይ ኡባው ኬኪያዋ፣ ሎይላ ታማሪሲያዋኔ  
ዳንዳያንቻ ጊዳናው ቤሴፔ ኣቲን፣ ዋላቂታናው ቤሴና።

25 ቃሲ ኢ ባሬና ኢዲያዎንታ ኣሺኬቴላን ሴሪያዎ ጊዳናው ቤሴ። ኡንቱንቱ ባሬንቱ ናጋራፔ ሲሚዴ፥ ቱማቴላ ኤራናዳን ፆሳይ ኦሳኔንቶ፥ ኦኒ ኤሪ።

26 ቃሲ ኡንቱንቱ ባሬንቱ ዎዛና ቆፋው ሲሚዴ፥ ኡንቱንታ ባሬ ኮዬዳባው ኣዛዜታና ማላ ኦይቄዳ ፃላሂያ ካፑዎ ዳባፔ ኬሲ ኣካና።

### 3

**ዉርሴላ ጋላሳቱዎን ሃናናው ዴዒያ ኢታ ዩዎቱዎ**

1 ሺን ዉርሴላ ጋላሲ ዋዪሲያ ዎዲ ያናዎ ኣከካ።

2 ኣዪሲ ጎፔ፥ ኣሳይ ባሬና ሲቂያዎንታ፥ ሻሉዎ ሲቂያዎንታ፥ ጩቄቲያዎንታ፥ ኣዪያዎንታ፥ ቦሪያዎንታ፥ ባሬና ዩሌዳዎንቶ ኣዛዜቴናዎንታ፥ ጋላቴናዎንታ፥ ጌሻቴላይ ባይናዎንታ፥

3 ሲቁ ባይናዎንታ፥ ሲጌቴናዎንታ፥ ዘጊርሳንቻቱዎ፥ ባሬና ናጌናዎንታ፥ ኬኬናዎንታ፥ ሎዖባ ዶሴናዎንታ፥

4 ኡባ ኤሪኬ ጊያዎንታ፥ ዲርቢያዎንታ፥ ኦቶሩዎን ሱጌቲያዎንታ፥ ቃሲ ፆሳፔ ኣሊዴ፥ ኣሻሉዎ ዶሲያዎንታ ጊዳና።

5 ኡንቱንቱ ፆሳው ጎዪኒያዎ ማላቲኖ፤ ሺን ኣ ዎልቃ ካዴዲኖ። ሄዎንቱ ማላ ኣሳቱዎኮ ሸቆፓ።

6-7 ኣዪሲ ጎፔ፥ ኡንቱንቱፔ ኢቱ ኢቱ ኣሳ ጎሊያ ጌሊዴ፥ ናጋራይ ዴዩዳዎንታ፥ ዲማ ዲማ ኣሙዎን ሱጌቲያዎንታ፥ ኡባ ዎዴ ታማሪዴ፥ ቱማቴላ ኤራ ኣካናው ሙሌ ዳንዳዪቤና ዳቡራንቻ ማጫዎንታ ባሌሊኖ።

8 ያኔሲኔ ያምባሬሲ \* ሙሴ ዩዉዎ ጳልቆዎዳን፥ ሄዎዳን ቃሲ ሃዎንቱ፥ ሱሬ ቆፋይ ባይናዎንታ ኣማኑዎን ኩንዴዳዎንቱ፥ ቱማቴላባ ጳልቂኖ።

9 ሺን ያኔሳ ኤያቴላይኔ ያምባሬሳ ኤያቴላይ ቃሲ ቆንጩዳዎዳን፥ ኡንቱንቱ ኤያቴላይካ ኣሳ ኡባው ቆንጫና ዲራው፥ ኡንቱንቱ ካሲዎፔ ኣጂዴ ዲጪኪኖ።

**ዉርሴላ ዞሪያ**

10 ሺን ኔኒ ታ ቲሚርቲያ፥ ታ ሃናታኔ ታ ቆፋ፥ ታ ኣማኑዎኔ ታ ዳንዳያ፥ ታ ሲቁዎኔ ታ ጌንጩዎ፥

\* 3:8 ያኔሲኔ ያምባሬሲ፡ ሃ ሱንሳቱ ኤጫ ጫቁዎ ማፃፋን ባዎ። ሺን ጮራ ኣሳይ ጊያ ቆፋይ፡ «ሃዎንቱ ሙሴ ኢሰራዔሊያ ኣሳ ጊብፂፔ ኬሲዴ ካሊፋናው ቆፔዳ ዎዴ፥ ኣናና ኤቄቴዳ ሙሩኒያዎንታ» ያጊያዎና። ኬሰ 7:11፥ 12 ጂላቴ። 3:8 ኬሰ 7:11

11 ታ ዩዴሳኔ ታ ዋዪያ ቤዓዳ። አንጾኪያኔ፣ ኢቆኒዮኔኔ ሊሰጧራ ጊያ ካታማቱዋን ታና ጋኬዳባኔ ታኒ ዳንዳዬዳ ዩዴሳ ኤራሳ። ጎዳይ ታና ሄ ኡባፔ አሹዳ።

12 ቱማቱላን ኪሪሰቶሲ ዩሱሳን ያሳ ማላቲዳ ዳዓናው ደሲያ ኡባይ ዩዴርሴታና።

13 ሺን ኢታ አሳቱኔ ባሌሊያዋንቱ ሃራቱዋ ባሌሊዴኔ ባሬንቱ ሁጳው ባሊዴ፣ ካሴፔ ኢቲ ኢቲ ቢና።

14 ሺን ኔኒ ሄ ቱማቱላ ኦፔ ታማራዴንቶኔ ኤራዴ፣ ኔኒ ታማራዳዋኒኔ ኤሬዳዋን ሚናዴ ዴዓ።

15 ኔኒ ጉላ ናዓቱላፔ ደማዴ ኪሪሰቶሲ ዩሱሳ አማናዴ፣ አቶቱላይ ቤቲያ አዴዳ ኤራ አማናው ዳንዳዪያ ጌሻ ማፃፋቱዋ ኤራዳ።

16-17 ያሳ ማፃፋ ኡባን ያሳ አያናይ ዴዔ። ቃሲ ሄ ማፃፋቱ ያሳው ኦሊያ አሳይ ኩሜንላኔ ሎፆ ኦሱዋ ኡባው ጊኒዳዋ ጊዳና ማላ፣ ቱማቱላ ታማሪሳናው፣ ባላ ሴራናው፣ ባዪዙዋ ሱሪሳናውኔ ሂሎቱላ ዴፆ ዘሪያ አማናው ማዲና።

### 4

1 ታኒ ኔና ያሳ ሲንላኒኔ፣ ዴዐ-ዋን ዴዒያ አሳኔ ሃይቄዳ አሳ ፐርዳናው ዴዒያ ኪሪሰቶሲ ዩሱሳ ሲንላን፣ ቃሲ አ ዩሳኒኔ አ ካዉቱላን ኔና ዘራይ።

2 ቃላ ኦዳ። ዋዲ ኢንጃቲና ኢንጃታና ጳዪና፣ ሚናዴ ኦዳ። ዳር ዳንዳያን አሳ ታማሪሳዴ ሱሪሳ፣ ሴራኔ ዘራ።

3 አዪሲ ጎፔ፣ አሳይ ቱሙ ቲሚርቲያ ሲሴናን ኢዲያ ዋዲ ያናዋ። ሺን አሳይ ባሬንቱ አሙዋ ካሊዴ፣ ሲሳናው ናሼቺያዋ ኦዲያ ታማሪሲያዋንታ ጉጂ ጉጂ ሺሻና።

4 ኡንቱንቱ ቱሙ ዩዉዋ ሲሲያዋ አጊዴ፣ ቶሳ ሲሳናው ባሬንቱ ሃይላ ዋራ ዛራና።

5 ሺን ኔኒ ኡባባኒ ኔ ሁጳያ ናጋናው ቤሴ። ዋዪያ ዳንዳያ። ዋንጋላ ሚሺራቹዋ ኦዲያዌ ኦሊያ ኦሱዋ ኦላ። ያሳ ቆማዳን፣ ኔ ኦሊያ ኦሱዋ ኡባ ፖላ።

6 ታና ጊደፔ፣ ታ ሱላይ ጉኪዴ ያርሼቲያ ዋዲኔ ቃሲ ሃ ዴዐ-ዋ አጋዴ ቢያ ዋዲ ጋኬዳ።

7 ታኒ ሎፆ ባዲያ ባጭታዲ፤ ዋላ ዋፃዴ ዉርሳዲ፤ አማኑዋካ ናጋዲ።

8 ሲንላፔ ታው ሂሎቱላ አኪሊሊ ጊጊ ኡቱዳ። ሄዋ ሂሎ ፐርዳ ፐርዲያ ጎዳይ ሄ ጋላሲ ታው አማና። ቃሲ ኪሪሰቶሲ ቆንጫናዋ ደሲያ ኡባሳፔ አቲን፣ ታ ፃላላሳ ጊዴና።

እ ቡዙ አላላቱዋባ

9 ታኮ ኤሌካ ያናው ሚና።

10 አዲሲ ጎፔ፣ ደማሲ ሃ አላሚያ ደሲዴ፣ ታና አጊዴ፣ ቱሴሎንቂያ ጊያ ካታማ ቤዳ። ቁርቁሲ ጋላቲያ ጊያ ጋዲያ ቤና፣ ቃሲ ተቶ ዲልማዲያ ጊያ ጋዲያ ቤዳ።

11 ሉቃሳ ዓላላይ ታናና ዴዴ። ማርቆሲ ታና ኪታን ሎይሌ ማዳናው ዳንዳዲያ ዲራው፣ አ ደማዴ ኔናና አካዴ ያ።

12 ሺን ታኒ ቲኪቆሳ ኤፌሶና ጊያ ካታማ ኪታዲ።

13 ኔኒ ያዴ፣ ዓሮዳዲ ጊያ ካታማን ካርፖሳዋን ታኒ ዩጋዴ ዩዳ ታ ጋቢያኔ ቃሲ ማፃፋቱዋ ታው አካዴ ያ። ሺን ዲማያዴ ጋልባን ፃፊቱዳ ማፃፋቱዋ አያ ጊደፔኔ፣ አኬናን ዮፓ።

14 ቢራታ ቆዲያ ኢሰቢንዲሪ ታና ዳሮ ቆሄዳ፤ ጎዳይ አው አ ኦሱዋዳን ዛራና።

15 ኢ ኑኒ ኦዲያዋ ሎይሌ ጳልቂያ ዲራው፣ ኔኒ አፔ ኔና ናጋ።

16 ኮይሮ ታና ሞቲያ ዎዴ፣ ኡባይካ አጌዳዋፔ አቲን፣ ታና ኦኒኔ ማዲቤና። ያሳይ ሄዋ ኡንቱንቶ ፓይዶፖ።

17 ሺን ታኒ ኩሜንላ ኪታ አዲሁዳ ጊዴና አሳይ ኡባይ ሲሳናው ኦዳና ማላ፣ ጎዳይ ታ ማታን ኤቂዴ፣ ታው ዎልቃ ኢሜዳ። ቃሲ ጋሙዋ ዶናፔካ ታና አሹዳ።

18 ጎዳይ ታና ኢታባ ኡባፔ አሹዴ፣ ባሬ ሳሉዋ ካዉቲላ ሳርቲላን አፋና፤ አው ሜጂ ሜጂናው ቦንቹ ጊዶ። አሜንዒ።

ወርሴላ ሳርታ

19 ጲሪሰቂሊሲ፣ አቂላሲኔ ሄኔሲፎሩ ሶይ አሳው ታ ሳርታ ኦዳ።

20 ኤራሰፆሲ ቆርንቶሳ ጊያ ካታማን አቲዳ። ሺን ዓሮፊሞሲ ሳኬቲዳ ዲራው፣ ሚሊፆ ጊያ ካታማን አ ዎላዲ።

21 ባልጉ ዎቆናፔ ካሴ ያናው ሚና።

ኤወቡሉሲ፣ ጲዴሲ፣ ሊኖሲኔ ቂላዉዴ ቃሲ ሃራ ኢሻቱ ኡባይካ ኔና ሳሮ ሳሮ ጊኖ።

22 ጎዳይ ኔ አያናና ጊዶ። አቶ ኬካቲላይ ሂንቲናና ኡባና ጊዶ። አሜንዒ።

## **Ooratha Caaquwaa New Testament in Dawro (ET:dwr:Dawro)**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Dawro

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2014-04-22

---

PDF generated using Haiola and XeLaTeX on 1 Oct 2024 from source  
files dated 29 Jan 2022  
585b63ca-b8e6-55c8-bfef-10bdc95ad69c